

RAFA DIEZ LAB SINDIKATUKO IDAZKARI NAGUSI ETA EH-KO PARLAMENTARIOA

PP-PSOE itunaren Moncloako argazkiaren ondoren, EAJk hautaketa estrategikoa egin behar duela eta ezker abertzaleak egoera politikoa gehiago mugitzeko gaitasuna izan behar duela uste du Rafa Diez LABeko idazkari nagusiak. Halaber, bide soberanistaren gakoak azaldu ditu; horien artean, subjektu nazionala osatu beharra.

«‘Euskal Stormont’ batera joateko, subjektu nazional bat behar dugu»

Pello Urzelai | DONOSTIA

■ **LABek, Iraultzen aldizkariaren azaroaren alean, iragarri zuen PP eta PSOE itun bat prestatzen ari zirela, beraiek ezarritako joko arauak eskaintza moduan aurkezteko. Joan den asteartean PPk eta PSOEek sinatutako agiria ildo horretan sartzen duzu?**

Espainolismoak, PPren lidergo-arekin, argi dauka abertzaletasunari aurre egin behar diola, Euskal Herrian eraikiz joan den gehiengo politiko eta sindikal bati aurre egin behar diola, eta, horretarako, estatuaren ereduaren inguruan oso jarrera inposatzailerik eta inboluzionistak landu beharra ikusi du. PP azkenengo bizpahiru urte hauetan frankismo berri bat lantzen ari da. Madril kultur, hezkuntza eta informazio alorreko faxismoa lantzen ari da, eta dinamika honek PSOEek, ñabardurak izan arren, ez dauka jokatzeko tarterik. Egun, PPk eta PSOEek beren eremua eta oinarriak zehaztu dituzte; su-etenarekin eta su-etenik gabe, nabarmen agertutako oinarriak.

■ **PSOEren kasuan, haren barruan elkarrizketaren aldeko ahots heterodoxoak ohi baino ozenago entzun ondoren iritsi da ituna. Kontraesanik al dago?**

EAJk PSOEri hurbiltzeko egingo dako saioak kontuan harturik, PSOEen ikuspegi ezberdinak landuz joan dira, eta une batzuetan horrelako tentaldiak izan dira. Guk pentsatu genuen tentaldi horiek guztiak antzuak izango zirela, Madrilen bestelako haize politikoak zebiltzalako, bestelako apustu politikoak zeudelako. Orain, nahiz eta nahiak eta ikuspegi heterodoxoak azaldu, PSOEek ez du tarterik autonomia politikoarekin aritzeko. PSOEek bat egin du Aznar gidatzen ari den *altxamendu nazionalaren* Espainia berri horrekin.

■ **PP-PSOE ituna aztertzean, alderdi abertzaleak bat etorri**



PABLO S. QUIZA

dira eta denek esan dute abertzaletasuna suntsitzeko helburua duela, baina erantzuteko moduz, ikusmolde eta jarrera ezberdinak azaldu dira...

Moncloako argazkiarekin, EAJren barnean batik bat gogoeta sakona egin behar da. Batzuek estatutismoa bere onera ekartzeko eta PSOArekin aliantza berritzeko apustua egin zuten,

eta orain ikusten da bide hori itxita dagoela. Orain Madrilek planteatzen duen apustu politikoa Konstituzioa, Estatutua eta Gasteizerako gobernu konstituzionalista da. Gobernu horrek hiru hanka izango lituzke: PP, PSOE eta EAJ. Hori da Madrildik datorren apustua, eta hori ikusirik, EAJk oso hautaketa estrategikoa egin behar du: edo toki bat bilatzen du Madrildik

EAJ

“EAJk hautaketa estrategikoa egin behar du: edo Madrildik datorren akordioan toki bat bilatu, edo berriro abertzaleen arteko akordioa eraiki»

EZKER ABERTZALEA

“Moncloako argazkiaren ondoren, ezker abertzaleak ere gaitasuna izan beharko luke egoera politikoa gehiago mugitzeko»

datorren akordio horretan — Ajuria Eneko filosofia biziberritzeko eta gobernu konstituzionalista bat osatzeko —, edo berriro abertzaleen arteko akordioa eraikitze bidea lantzen du; gainera, kontuan izanik akordio horren arabera borroka armatua gaindi litekeela.

■ **Eta ezker abertzaleak nola jokatu beharko luke?**

Moncloako argazkiaren ondoren, espainolek egindako apustua kontuan hartuz, ezker abertzaleak ere gaitasuna izan beharko luke egoera politikoa gehiago mugitzeko, eta EAJk eta EAK argitu eta mahai gainean jarri behar dituzten proposamenak eta konpromisoak argiago adieraz ditzaten. Hurrengo hilabeteetarako gakoetarikoa bat hori izango da.

■ **Baina nondik jo behar luke abertzaleen artean jorratu beharreko bideak?**

Azken hilabeteetan *flash politika* amaitu da. Bakoitzak bere proposamena mahai gainean jarri du, bakoitzak bere koherentziarekin. Orain ez dago prozesurik proposamenak eztaba-datzeko eta estrategia demokratiko eta soberanista baterako oinarriak eta tresnak zein diren zehazteko. Espainolek beren eremu eta oinarriak zehaztu dituzte: «Ez dago elkarrizketarik, Konstituzioa eta estatutuak». Horren arabera, konfrontazio apustua egiten dute, mingarria, oinazeak jarraitzekoa. Abertzaleen artean, mahai gainean jarri behar dugu zeintzuk

diren oinarriak eta tresnak estrategia demokratiko eta soberanista baterako. Nire ustez, estrategia soberanista lantzeko hiru dira gakoak. Alde batetik, estrategia nazionala izan behar du, estrategia nazionalik gabe ez dago estrategia soberanistarik. Horretarako, tresnak jarri behar dira. Hor dago Udalbiltza, hor dago subjektu nazionala. Bigarrenik, estrategia soberanista baterako, esparru honetatik beste batera joateko, argi utzi behar da nola erabili behar diren egungo instituzioak. Egia da igaraldi luzea izan daitekeela, erritmoen kontuak ez du oztopo izan behar. Hirugarrenik, garrantzia ematen diot subjektu nazional bat sortzeari. Herri gisa, *euskal Stormont* batera joan behar badugu, herri gisa ditugun eskubide demokratikoak lortzera jo behar badugu, herri gisa ordezkaturik egon behar dugu negoziazio erabagarri horretan. Gai hauetan ados jartzen bagara, ziur naiz beste fase politiko bat irekiko genukeela, borroka armaturik gabe.

■ **Aipatu duzun subjektu nazional hori gorpuzteko, zer egin beharko litzateke?**

Subjektu nazionalaren inguruan, mahai gainean proposamen bat dago, ETArekin. EHk horretan kokatu nahi izan du bere planteamendua, eta gakoa da beste alternatibak mahai gainean jartzea. Nazioartean, subjektu nazionala giltza izan da estatuturik gabeko herrien prozesuetarako. Hor dago